

又

大道都來六字自然清靜無爲有人依得合希夷視聽何須眼
耳清淨內容歡喜無爲功就神飛自然雲步赴瑤池三島十

洲仙會

又

莫論離龍坎虎休言赤髓黃芽勿談搬運紫河車不說嬰嬌女

姤絕慮忘機最妙澄神養浩尤佳無爲無作路無差豁達靈

根無價

又

守拙宜乎甯耐曾分秀氣三台龍吟虎嘯去還來明月清風自

道藏輯要

漸悟集

三

胃集七
川七川

在 五道霞光覆載神珠養就靈胎一聲霹靂洞門開始覺山

伺奇怪

贈任守一

一不輕師慢法二遵清靜仙經三存精氣養神靈四把塵勞拂

盡 五戒無明業火六除俗禮人情七擒猿馬永安甯八味瓊

漿得飲

又

江畔溪邊雪裏陰陽造化希奇黃芽瑞草出幽微別是一般香

美 用玉輕輕研細烹煎神水相宜山侗啜罷赴瑤池不讓盧

仝知味

又

海島邱劉譚馬因師各棄榮華逍遙自在樂無涯休論高高下
下 不會琴棋書畫些兒營運無差眠雲卧月飲流霞醉後惺
惺灑灑

又

是是非非遠遠塵塵冗冗捐捐人人肯肯解冤冤步步灣灣淺
淺 善善常常戀戀玄玄永永綿綿明明了了這圓圓杳杳冥
冥顯顯

又

物物般般認認常常戰戰競競心心念念恐沉沉得得來來損

道藏輯要

漸悟集

三

胃集七
川上川

損 日日清清淨淨時時湛湛澄澄惺惺灑灑這靈靈燦燦輝

輝永永

又

莫訝馬風廝鬩人情且要和同至於行步敢從容踏地仍懷恐
痛 無作無為妙用常清常淨真功住行坐卧逐王風豈敢心

猿內動

勸劉先生夫婦

欲繼許君龐老捫心自忖須知同心同德做修持稍有相違遠

離 三箇不如兩箇兩人談是談非孤雲野鶴任東西豈有纖

毫縈繫